

PITANJE PONUĐAČA:

„Poštovani,

Imamo pitanje vezano za pravo na učešće na konkursu - IZRADA IDEJNOG ARHITEKTONSKO-URBANISTIČKOG RJEŠENJA KOMPLEKSA BAZENA „SRC ADA" U BREZI.

U projektnom zadatku, kao i u tenderskoj dokumentaciji - stoji da:

'Konkurs je anoniman i regionalnog je tipa, te pravo učešća na konkursu, pored fizičkih i pravnih lica sa sjedištem, odnosno prebivalištem na teritoriji Bosne i Hercegovine, imaju i pravna i fizička lica sa prebivalištem na teritoriji druge države.

U istim dokumentima stoji da:

U svrhu dokazivanja ispunjenosti uslova, učesnici na konkursu trebaju dostaviti:

Fizička lica: Original ili ovjerenu kopiju diplome završenog Arhitektonskog fakulteta (diplomirani inženjer arhitekture) sa minimalno 240ECTS bodova ili drugog ili trećeg ciklusa Bolonjskog sistema arhitektonske struke ili nostrifikacija diplome ukoliko je ista stečena u inostranstvu (kopija diplome se može dostaviti za svakog člana ili samo za jednog, koji ne mora biti nosilac).

Pravna lica: Izjavu pravnog lica da ima u radnom odnosu ili će angažovati diplomiranog inženjera arhitekture sa minimalno 240ECTS bodova ili drugog ili trećeg ciklusa Bolonjskog sistema arhitektonske struke, uz prilaganje kopije diplome arhitektonskog fakulteta.

Pitanje 1:

Obzirom da je konkurs regionalnog tipa i otvoren za arhitekte koji borave izvan države, neki od kojih su stekli diplome u prestižnim institucijama u inostranstvu – da li je za nosioca projekta koji je fizičko lice potrebno za ispunjavanje uslova za učešće dostaviti nostrificiranu diplomu ili je dovoljno dostaviti kopiju diplome prevedena na B/H/S jezik ili eventualno ovjereni prevod diplome?

Nevidimo u pomenutom Članu 50. Zakona o Javnim Nabavkama FBiH da je potrebno priložiti nostrificiranu diplomu za tendere.

Obzirom da je riječ o 'regionalnom' konkursu i da ste naveli da su dobrodošli učesnici iz inostranstva, od mišljenja smo da bi bilo dobro da oslobodite potencijalne talentovane učesnike od ovog birokratskog koraka nostrifikacije koji bi mogao biti skup i oduzeti previše vremena za te učesnike. Ovo bi stvorilo otvoreniju atmosferu za iskren takmičarski duh, i privelo više talentovanih učesnika sa raznovrsnim asortimanom rješenja koji je apsolutno potreban za proizvodnju i selekciju najkvalitetnijeg arhitektonskog proizvoda na svakom konkursu. Govorimo iz iskustva učešća i osvajanja nagrada na nacionalnim i međunarodnim konkursima.

Molimo da što prije potvrdite da je dovoljno za nosioca projekta fizičkog lica dostaviti kopiju diplome prevedena na B/H/S jezik, ili eventualno ovjereni prevod diplome, uz ovjerenu kopiju inostrane diplome, te da garantujete da neće doći do diskvalifikacije učesnika odnosno nosioca projekata bez nostrificirane diplome.

Pitanje 2:

Za Pravna Lica u vašoj tenderskoj dokumentaciji i projektnom zadatku nije specificirano da je potrebno da diplomirani inženjer koji radi za pravno lice ili kojeg će pravno lice angažovati ima nostrificiranu diplomu.

2.a. Molimo da potvrdite da je u slučaju učešća pravnog lica kao nosioca projekta, koji već ima zaposlenog diplomiranog inženjera sa diplomom iz inostranstva, dovoljno dostaviti ovjerenu kopiju inostrane diplome i kopiju diplome prevedene na B/H/S jezik, ili eventualno ovjereni prevod - odnosno da garantujete da neće doći do diskvalifikacije učesnika odnosno nosioca projekata bez nostrificirane diplome.

2.b. Također molim da potvrdite u slučaju da pravno lice nosilac projekta izjavi da će angažovati diplomiranog inženjera arhitekture, dali mora to pravno lice u sklopu predate tenderske dokumentacije imenovati pomenutog diplomiranog inženjera arhitekture uz prilaganje kopije njihove diplome arhitektonskog fakulteta? Ili je dovoljno izjaviti da će nakon konkursa isto pravno lice angažovati diplomiranog inženjera arhitekture u slučaju da investitor angažuje pomenuto pravno lice koje dobije nagradu da nastavi sa razvijanjem projekta nakon konkursa?

Radujemo se vašem brzom odgovoru.“